



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCXVI. ad annum MCCCCXXIII.

**Parisiis, 1644**

Sessio XLIII.

**urn:nbn:de:hbz:466:1-15653**

ANNO  
CHRISTI  
1418.

tierunt, & quilibet ipsorum petiit instrumentum publicum, seu publica instrumenta. Præsentibus ibidem reuerendissimis in Christo patribus & dominis dominis Ioanne Ostiensi, Laudensi, de Vrfinis, Venetiæ, Pisano, Veronensi, Cameracensi, Tricaricensi, Placentino, de Chalanco, de Fluxo, de Comitibus, sanctæ Romanæ ecclesiæ cardinalibus; nec non regum, principum, prælatorum, nobilium, vniuersitatum, studiorum, communitatum & collegiorum ambasiatoribus & nuntiis, aliisque Christi fidelibus in multitudine copiosa.

SESSIO XLIII.

**A**NNO Domini millesimo quadringentesimo decimo octauo, indictione duodecima, die vero Lunæ vigesima prima mensis Martii, pontificatus sanctissimi in Christo patris & domini nostri Martini diuina prouidentia papæ quinti anno primo, Constantiæ in ecclesia maiori fuit tenta & celebrata ipsius sacrosanctæ & vniuersalis Synodi Constantiensis sessio publica, sanctissimo domino nostro papa prædicto præsidente. Pro cuius sessionis introductione reuerendissimus pater dominus Guillelmus tituli sancti Marci sanctæ Romanæ ecclesiæ presbyter cardinalis Missam de Spiritu sancto celebrauit. Et iuxta ritum solitum litanis & aliis deuotis orationibus lectis, idem reuerendissimus pater dominus Guillelmus cardinalis nonnulla decreta, siue statuta per dominum nostrum papam ac Synodum eisdem facta, publice perlegit sub his verbis.

*De exemptionibus.*

*Martinus episcopus seruus seruorum Dei.*

Attendentes, quod a tempore obitus felicitis recordationis Gregorii papæ vndecimi prædecessoris nostri, nonnulli Romani pontifices, aut pro Romanis pontificibus se gerentes, & in suis diuersis obedientiis reputati, pro sua voluntate, aut per importunitatem petentium nonnullas ecclesias, monasteria, capitula, conuentus, prioratus, beneficia, loca & personas a iurisdictionibus ordinariorum tempore dicti Gregorii nullatenus exemptos, vel exempta, de nouo a dictorum ordinariorum iurisdic-

*Concil. Tom. 29.*

Gggg

tionibus exemerunt, in graue ipsorum ordinariorum præiudicium: nos volentes huiusmodi præiudicio obuiare, omnes exemptiones ecclesiarum cathedralium, monasteriorum, capitulorum, conuentuum, prioratuum, beneficiorum, locorum, personarum quarumcumque, etiam si ex prædictis aliquod monasterium fuerit exemptum, & postea subiectum monasterio diuersi habitus vel coloris, a tempore obitus dicti Gregorii vndecimi per quoscumque pro Romanis pontificibus se gerentes, etiam si per nos forsan approbatæ fuerint ex certa scientia, vel innouata parte non vocata de nouo factas, quæ tamen ante exemptionem huiusmodi nulla exemptione gaudebant, sed simpliciter subiiciebantur ordinariæ iurisdictioni, nullumque ante illud tempus habuerunt initium, exceptis etiam exemptionibus, quæ vni toti ordini & quæ ecclesiis, monasteriis, capitulis, conuentibus, beneficiis siue locis, a prædicto tempore sub modo exemptionis aut conditione fundatis, aut contemplatione nouæ foundationis, seu vniuersitatibus studiorum generalium, aut collegiis scholarium, aut per modum confirmationis, augmenti aut additionis factæ fuerint, aut concessæ, aut super quibus præsentibus & auditis (quorum intererat) auctoritate competente ordinatum fuerit, seu in quibus ordinarii consenserint, & omnes exemptiones perpetuas per inferiores a papa factas, sacro approbante Concilio reuocamus, etiam si super ipsis lis pendeat indecisa, ipsam penitus extinguentes, ecclesias, monasteria, & alia loca prædicta in pristinam ordinariorum iurisdictionem reducimus. Ceteris autem exemptionibus ante obitum dicti Gregorii habitis vel concessis, nullum volumus per hoc præiudicium generari. Insuper non intendimus exemptiones de cetero facere, nisi causa cognita, & vocatis quorum interest.

*De vnionibus.*

*Martinus episcopus seruus seruorum Dei.*

Vniones & incorporationes a tempore obitus Gregorii vndecimi factas seu concessas, cum certa regula dari non possit ad querelas eorum, quorum interest, nisi fuerint impetrantes beneficia sic vnita, si non ex rationabilibus causis & veris factæ fuerint, licet apostolicæ

ANNO  
CHRISTI  
1418.

ANNO  
CHRISTI  
1418.

ANNO CHRISTI 1418. sedis auctoritas interuenerit, reuocabimus iustitia mediante.

*De fructibus percipiendis.*

*Martinus, &c.*

Fructus & prouentus ecclesiarum, monasteriorum, beneficiorum, vacationis tempore obuientes, iuris & consuetudinis vel priuilegii dispositioni relinquimus, illosque nobis vel apostolicæ cameræ prohibemus applicari.

*De simonia.*

*Martinus, &c.*

Multæ contra simoniacam prauitatem abolim factæ sunt constitutiones, quibus morbus ille non potuit competenter extirpari. Nos volentes de cetero (vt possumus) attentius prouidere, sacro approbante Concilio declaramus, quod ordinati simoniace ab executione suorum ordinum sint eo ipso suspensi. Electiones autem, postulationes, confirmationes, & quæuis prouisiones simoniacæ ecclesiarum, monasteriorum, dignitatum, personarum, officiorum & beneficiorum ecclesiasticorum quorumcumque deinceps factæ, nullæ sint ipso iure, nullumque per illas ius cuiquam acquiratur, nec promoti, confirmati, aut prouisi faciant fructus suos, sed ad illorum restitutionem, tamquam inique ablata percipientes, teneantur. Statuentes insuper, quod dantes & recipientes ipso facto sententiam excommunicationis incurrant, etiam si pontificali aut cardinalatus præfulgeant dignitate.

*De dispensationibus.*

*Martinus, &c.*

Quoniam beneficia propter officia conceduntur, reputamus absurdum, vt qui beneficia obtinent, recusent aut negligant officium exercere. Nos igitur, sacro approbante Concilio, omnes dispensationes a quibuscumque pro Romanis pontificibus se gerentibus concessas quibuscumque electis, confirmatis, seu prouisis ad ecclesias, monasteria, prioratus conuentuales, decanatus, archidiaconatus, & alia quæcumque beneficia, quibus certus ordo debitus est vel annexus, ne munus consecra-

*Concil. Tom. 29.*

Gggg ij

tionis episcopi, siue benedictionem abbatis, aut ceteros debitos aut annexos ordines suscipiant, præter illas quæ secundum formam constitutionis Bonifacii octaui, quæ incipit, Cum ex eo factæ sunt, reuocamus: statuentes, vt qui de præsentis illos vel illa obtinent, infra sex menses a die publicationis huiusmodi constitutionis nostræ, & qui in posterum obtinebunt, infra terminum iuris se faciant consecrari, aut benedici, seu ad alium debitum ordinem promoueri. Alioquin sint ipsis monasteriis, ecclesiis, dignitatibus, personatibus, officiis & beneficiis pro ipso iure priuati, & aliis libere conferantur, aut prouideatur de illis, ceteris constitutionibus circa hoc editis in suo robore duraturis.

ANNO  
CHRISTI  
1418.

*De decimis & aliis oneribus ecclesiasticis.*

*Martinus, &c.*

Præcipimus & mandamus, iura quæ prohibent inferioribus a papa decimas & alia onera ecclesiis & personis ecclesiasticis imponi, districtius obseruari. Per nos autem nullatenus imponantur generaliter super totum clerum, nisi ex magna & ardua causa & utilitate, vniuersalem ecclesiam concernente, & de consilio & consensu & subscriptione fratrum nostrorum sanctæ Romanæ ecclesiæ cardinalium & prælatorum, quorum consilium commode haberi poterit. Nec specialiter in aliquo regno vel prouincia, inconsultis prælatis ipsius regni vel prouinciæ, & ipsis non consentientibus, vel eorum maiori parte, & eo casu per personas ecclesiasticas & auctoritate apostolica dumtaxat leuentur.

*De vita & honestate clericorum.*

*Martinus, &c.*

Inter ceteros prælatorum & clericorum excessus hoc maxime inoleuit, quod sprete in vestibus forma ecclesiasticæ honestatis, plurimi delectantur esse deformes, & cupiunt laicis conformari, quodque mente gerunt, habitu confitentur. Vnde præter cetera quæ circa vestes, tonsuram & habitus clericorum, tam in formis quam in coloribus, atque comam seu capillos, vitamque & honestatem clericorum iura statuunt, & quæ nimium collapsa

ANNO  
CHRISTI  
1418.

sunt tamen saecularibus quam in regularibus, sacro approbante Concilio innouamus, & praecipimus diligentius obseruari. Illum specialiter ab usum (eodem approbante Concilio) decernimus penitus abolendum, quod in quibusdam partibus nonnulli clerici & personae ecclesiasticae saeculares & regulares, etiam (quod magis execramur) praelati ecclesiarum, manicas ad cubitum pendentes, & longas cum magna sumptuosa superfuitate vestes, etiam fissas retro & in lateribus cum fodraturis ultra oram excedentibus etiam in fissuris deferunt, & cum talibus in ecclesiis cum superpellicis ac aliis vestibus ad cultum & officium ecclesiasticum ordinatis, etiam intra ecclesias ipsas, in quibus beneficiati existunt, non verentur diuinis officiis interesse. Hanc vestium deformitatem in quibuscumque personis ecclesiasticis reprobamus, ac usum talium inhihemus: contrarium autem facientes, ut transgressores Canonum puniantur: specialiter statuentes, ut quicumque beneficiatus, aut officium in ecclesia gerens, in habitu huiusmodi diuinis officiis praesumpserit interesse, pro qualibet vice a participatione prouentuum ecclesiasticorum per mensem nouerit se suspensum, fructusque illi fabricae illius ecclesiae applicentur.

*Martinus, &c.*

Decernimus & declaramus, sacro approbante Concilio, per decreta, statuta & ordinata, tam lecta in praesenti sessione, quam concordata cum singulis nationibus eiusdem Concilii, & quae in nostra cancellaria poni volumus, & literas in forma publica sub sigillo vicecancellarii uolentibus literas confici, atque tradi huic sacro Concilio, super articulis contentis in decreto super reformatione fienda, die Sabbati trigesima mensis Octobris proxime praeteriti promulgata, fuisse & esse iam satisfactum. Quibus decretis ac statutis sic (ut praemittitur) lectis, reuerendissimus pater dominus Ioannes episcopus Ostiensis, sanctae Romanae ecclesiae cardinalis & vicecancellarius, de uoluntate nationum ac ipsius Synodi, & eorum nominibus (ut asseruit) respondit in hunc modum: De mandato nationum respondeo, quod placent nationibus decreta recitata, & cuilibet nationi placet concordia cum ipsa per dominum nostrum facta, & per praemissa fatentur dicto de-

Gggg iij

creto iam esse satisfactum, non intendentes propterea, quod concordata cum vna natione, in aliquo alteri nationi afferant præiudicium.

ANNO  
CHRISTI  
1418.

Super quibus omnibus & singulis præmissis, & eorum quolibet, magister Ioannes de Scribanis promotor & procurator sacre Synodi prædictæ, & fiscalis cameræ apostolicæ, petiit sibi tam domini nostri papæ quam Synodi prædictorum nominibus a protonotariis, notariis, atque scribis eiusdem Synodi fieri vnum vel plura, publicum seu publica instrumenta, ad perpetuam rei memoriam. Præsentibus ibidem reuerendissimis in Christo patribus & dominis, dominis Angelo Laudensi, Petro Hispano, episcopis, Antonio Bononiensi, Francisco Venetiarum, Antonio Aquileiensi, Branda Placentino, Antonio de Chalanco, Thoma Tricaricensi, Petro de Fluxo, presbyteris, Ludouico de Flisco, Raynaldo de Branckafis, & Lucido de Comitibus, sanctæ Romanæ ecclesiæ cardinalibus, nec non dominorum regum, principum & vniuersitatum ambasiatoribus, aliisque Christi fidelibus in multitudine copiosa.

#### SESSIO XLIV.

**A**NNO, indictione & pontificatu quibus supra, die tertio Martis decimanona mensis Aprilis, Constantiæ in ipsius ecclesia maiori, sanctissimo domino nostro papa Martino præsidente, more solito publica sessio solemniter celebrata fuit, serenissimo principe domino Sigismundo Romanorum, &c. rege, insigniis regalibus induto interessente: pro cuius sessionis introductione reuerendissimus pater dominus Nicolaus Assisinatensis Missam de Spiritu sancto celebrauit. Et huiusmodi Missa finita, lectis que litanis, & aliis orationibus legi consuetis, debite peractis, reuerendissimus pater dominus Antonius sanctæ Romanæ ecclesiæ presbyter cardinalis, de Chalanco vulgariter nuncupatus, quoddam decretum siue statutum alta voce legit in hæc verba.

*Decretum de loco futuri Concilii proxime celebrandi.  
Martinus episcopus seruus seruorum Dei, ad futuram rei memoriam.*

Cupientes ac volentes decreto huius generalis Concilii